

北洋官報

目錄

宮門抄

奏請○內閣侍讀學士甘大璋奏請免州縣攤款等摺△順天府奏順直紳士創辦蠶業講習所請撥經費摺△東營錫等奏吉林仿辦圖書館等摺△又奏勘明荒地撥歸學田摺

公牘○督憲札一件△新河縣稟一件△董事會移一件

文告六則△電報八則△新聞十三則

彙編○京師勤工隊列所章程

本局第一百四期法政學報已出

宮門抄

五月二十六日 度支部 宗人府 正白旗值日 度支部引 見六名 上虞備用處引 見十四名

正黃滿引 見十五名 廂藍漢引 見四名 內務府引 見三十四名 茶膳房引 見二名

吉林度支使陳玉麟請 訓並請假一個月 阿公假滿請 安 溥頤續假五日 宗人府奏派正

黃旗總族長 派出潤貝勒 又奏派正進補進王六班 派出堃公 豫王 召見軍機 葛寶

華 紹昌 王埏 陳玉麟

奏議錄要

內閣侍讀學士甘大璋奏請豁免州縣攤款明立辦公經費章程摺

奏為請豁免州縣攤款明立辦公經費章程以蘇積困而重民生仰祈 聖鑒事竊維親民之官莫如州縣憲政基礎此為要端欲州縣之得人在先去其積累伏查雍正年間因山西撫臣諾岷奏請提天下銀糧耗羨歸公定設各州縣養廉法美意良治稱極盛軍興以後攤款日重名目繁多養廉一項不敷攤扣大缺州縣坐擁厚資瘠缺州縣日形賠累天下之不平孰過於此而其害究在民生請略舉大概為我 皇上陳之其大者一曰庫雜項下一曰漕折項下此二項者百十其名不勝指屈至科場停而經費不免科歲廢而試費尙提此外錢糧紅簿有費奏銷

册報有費京餉賠款解交有費練兵又有經費甚至督撫院署之後擁銀兩道府之書役飯食薪工本道節壽變爲公費憲幕節禮佐雜津貼以及試院行臺歲修各省情形不同名目因之互異或以一年列抵或照三年流攤遇有交代後任必多方盤剝前官或隱忍受欺至有互訐上官數年莫結之案懦者受累狡者得志廉吏之難爲政治之不振職是故也夫一省之大豈無六七大缺州縣所獲錢糧平餘稍多視此攤款亦不經意第大缺少而中簡缺多肥者什一瘠者什九立法貴乎平均遇調尤防奔競且所謂平餘者無非耗羨外之耗羨撥諸雍正年間定例豈合再收現在力籌新政各省均經提解稅契等款惟此錢漕平餘尙未畫一提解應請 飭下各直省督撫按照各該省情形將州縣所得錢漕兩項平餘銀兩設局一併提解歸公並仿照直隸四川等省辦法分別大中小州縣缺明定常年辦公經費章程按章支取俾廉者辦公有資貪者無從求取其向來州縣各項攤款一律豁除今大學士張之洞前在山西巡撫任內辦有成效可以調查如攤款中有萬不能除者應由各督撫別籌抵補不能再累州縣如此一整頓間積累既除經費有定庶得專心民事責成久任無難若再有不肖州縣擅取民間一錢卽加以烹阿之罰彼必無詞矣聞各省武營員弁亦有攤款之事扣餉缺額弊均由此並請 飭各將軍督撫一律核辦以肅軍政抑臣更有進者昔漢光武舉卓茂爲太傅而吏治民風爲之不變故東漢之治稱爲極隆方今 聖治維新誠能 明詔中外大臣各舉所知州縣中有廉潔昭著才品如陸隴其彭鵬其人者行取入京破格錄用以勵賢能正本澄源尤爲求治之急務臣爲憲政基礎首重親民之官得人起見管窺所及是否有當伏乞 皇上聖鑒訓示謹 奏

順天府奏順直紳士創辦蠶業講習所援案請撥備荒經費摺

奏爲代奏順直紳士創辦京師蠶業講習所援案請撥備荒經費以資補助恭摺具陳仰祈 聖鑒事竊據順直紳士前湖南岳州府知府魏震法部員外郎鹿學檀等聯名呈稱蠶業之興以中國爲最古自嫫祖教民蠶織遂以衣被萬世禹貢兗州桑土旣蠶厥貢絲織蔡沈書傳謂河昔北流兗州之境北盡碣石蓋包今日直東之域後世大河以北蠶事廢墜或諉爲天時地利之不宜不知北土宜蠶於古有徵徒以人安情慮遂使蠶絲之利爲東南各省所獨擅而北方風氣男丁尙知力勤於隴畝婦子相率坐耗於室家此不待饑饉薦臻而因惰致貧效已可觀重以近歲偏災屢告上煩賑卹而下鮮蓋藏紳等心竊憂之上年順直紳士倡辦農工學會會蒙 奏准歲撥備荒經費銀一萬兩用資接濟特蠶業未振遺利尙多紳等公同籌商現於宣武門內購地建校創設京師蠶業講習所選購

桑株置備圖書器具延聘蠶學畢業女教習招考女學生講授育蠶練絲諸法以廣傳習而資倡導即以輔農功而裨荒政開辦經費業由本省官紳籌捐數萬金常年經費除已呈由農工商部奏明每年撥助銀三千兩外預計不敷尙鉅擬懇援照農工學會成案於備荒經費項下歲撥銀一萬兩俾資補助而規久遠等因呈請據情代奏前來臣等伏維富國之本並重農桑勤民之方兼課男婦古人言一夫不耕受之飢一女不織受之寒而近世西儒言富亦兢兢於生利分利人數之多寡順直民俗丁壯力田婦孺坐食誠有如該紳等所云者一遇荒歉動煩賑撫而民困莫蘇與其議補救於臨時曷若圖本根之至計今該紳等振興蠶業爲闢利源惠桑梓起見與農工學會用意正復相同合無仰懇 天恩俯准援案於備荒經費項下每年撥給銀一萬兩以順輿情而助公益出自 鴻施如蒙 俞允再由臣衙門咨請度支部照數撥款以便轉交該紳等祇領仍令撙節動用核實造銷總期帑不虛糜事歸實濟庶以仰副 朝廷嘉惠元元敦崇本業之至意所有據情代奏緣由理合恭摺具陳伏乞 皇上聖鑒訓示謹 奏宣統元年五月十八日奉 旨依議欽此

東三省總督錫良署吉林巡撫陳昭常奏吉林仿辦圖書館並附設教育品陳列所摺

奏爲吉林仿辦圖書館並附設教育品陳列所以開民智而惠士林恭摺仰祈 聖鑒事竊據提學使曾廣楨詳稱化民成俗必由於敦學述文興業特重夫傳經故延閣秘府之藏經籍藝文之志廣收圖冊代有明徵我 朝稽古右文乾隆年間四庫告成三閣分建藏書之富實足凌駕漢唐是以博學多聞之士涵濡 聖澤儒雅見稱

二百年來人才輩出於斯爲盛近者學術分歧羣言淆亂將以博求諸實用固當研究夫專門而欲深植其基先端其本自非優游經傳考信六藝無以存國粹於幾希而漸臻成德達材之選也自奉 明詔興學以來學部頒定學務官制權限暨教育會章程與夫九年籌備憲政汲汲焉以成立圖書館爲急務屬在文化之所繫豈以邊遠而

或遺況吉省爲 皇迹肇基之地我 聖祖仁皇帝 高宗純皇帝屢次巡幸載歌民風蓋高山之天作實神明之奧區焉惟是絃誦之化日新虞獵之風未改鴻篇鉅製絕少流傳其聚於上者既乏官吏之徵求其聚於下者又鮮私家之蒐輯欲使此邦人士網羅舊聞擴充新識其道奚由負教育之責者能無滋懼乎於是上溯

列聖嘉惠儒林之盛仰承 國家豫備立憲之休近仿直鄂各行省之成規遠采東西洋列邦之制度擬於

列聖嘉惠儒林之盛仰承 國家豫備立憲之休近仿直鄂各行省之成規遠采東西洋列邦之制度擬於

省城創設圖書館一所首儲四庫之書兼收五洲之本編列以序管理有條冀以利導齊民敢云潤色鴻業查省垣東北有初等小學堂兩所院宇鱗比閒曠實多暫就該校略加修葺以資開辦亦足敷藏書及閱覽室之用並附設教育品陳列所如校具器械標本模型各物或自行仿製或略加採購分類羅列俾學者於鈔誦之餘藉收博覽之益至於改建館舍擬安簡陋不求完美現值財政奇絀即就學司衙門歲入款內極力撙節求底於成凡應用圖書一時未能求備自應分年採辦以紓財力並先捐廉選購爲之提倡其世祿之家嗜古之士苟有儲藏亦擬勸令捐置援案詳請獎勵循是以求積以歲月不難蔚爲鉅觀庶於白山黑水並永其傳而興學育才胥可於此卜其盛已所有藏書及閱書章程另案詳報等情詳請具奏前來臣等查吉林自改設行省學風漸開然文獻無徵書缺簡脫學子既冥求不得教師亦叅考無資甚或古籍奇編流傳異域海外且倡爲絕學而中國反失其真傳時移歲遷散失尤甚若不及時加意甄采懼貽將來禮失求野之譏該學司受任以來經營學務昕夕不遑所請設立圖書館並附設教育品陳列所洵屬當務之急其改建館舍及購備書籍深知節齋經費均不另請專款猶復捐廉提倡以期速成實於吉省教育前途良有裨益除咨部查照外謹恭摺具 奏伏乞

皇上聖鑒飭部立案施行謹 奏宣統元年五月二十一日奉 硃批學部知道欽此

東三省總督錫良署吉林巡撫陳昭常奏勸明五官屯荒地撥歸學田摺

奏爲勸明五官屯荒地擬請撥歸學田並酌留牧場及地方辦公地畝以息爭端而裕學款恭摺仰祈 聖鑒事竊查吉省烏拉地方自康熙年間於城北蜂蠻營等五屯分撥壯丁一百四十名每丁領地十五晌並分給牛隻以資耕種相沿日久遂稱爲五官牧場其地廣袤數十里除去沙崗水泡不能開墾者外其零星段落餘荒尙多附近旗民時有侵墾之弊嗣據打牲烏拉總管雲生等呈請前將軍延茂批准放荒招墾於是官民爭領纏訟不休至今十有餘年未能開放利棄於地殊爲可惜經升任督臣徐世昌調任撫臣朱家寶查悉情形批飭荒務局將此項地畝援照榆樹縣任克荷成案悉數歸公撥作省城及烏拉等處各學堂經費以息爭端當飭前署提學使吳魯接收辦理未及奏咨卽行交卸臣等接准移交復提飭學使曹廣楨派員勘丈茲據勸明共有毛荒三千一百餘晌除撥補各屯丁前報被淹廢地三百三十晌並民人等業已交價應領之荒四百晌外實有可墾荒地二千三百七十二

响分別高下定爲三等按段招墾墾取租值俟三年墾熟後每年約得租價吉市錢一萬九千餘千充作學務經費其從前被淹地畝查係江水泛漲所致現在水涸地平草長甚盛以之豢養牛隻頗屬相宜業經劃出一百一十响按屯分撥作爲各屯牧場其餘二百二十响均可耕種查近年烏拉地方創辦公益尙須略爲補助即一併撥歸烏拉翼領衙門經管就地取租以作辦公之費似此辦法於該屯舊制並無更張而於學款公費兩有裨益惟查此項地畝並非大段閒荒既經援案撥作學田應請免其升科以示體恤現已由司一律勘丈劃撥清楚分造圖說詳請具奏前來臣等復查無異除分咨學部內務府查照外所有五官屯荒地撥歸學田酌留牧場並撥給該地方辦公地畝各緣由是否有當謹合詞恭摺具陳伏乞皇上聖鑒訓示謹奏宣統元年五月二十一日奉 硃批該衙門議奏欽此

公牘錄要

督憲那准稅務大臣咨奉天運煙之山繭仍准接續暫免復進口半稅札飭東海關道查照文

爲札飭事宣統元年五月初九日准 稅務大臣咨開宣統元年四月二十七日據署總稅務司申稱奉天蠶繭運赴煙台暫免復進口半稅一事前奉鈞札以奉天等處運煙山繭一律免納復進口半稅如試辦一年後實於國課商情兩無妨礙再行體查情形申由本處核辦等因奉此當經札行東海關稅務司遵照現已試辦一年據該稅務司申稱煙台上年添有大小手繅絲廠各四家現又擬添新廠四家合計新舊各廠之股本共約二百萬兩之譜所用工人約一萬四千名在光緒三十三年春季至三十四年春季未免復進口稅時由安東進口野蠶繭報洋關者八萬三千五百九十三擔報常關者九萬八百十七擔共十七萬四千四百十擔出口野蠶八千九百十六擔由三十四年春季至宣統元年春季暫免復進口稅後由安東進口野蠶繭報洋關者十萬一千七百九擔報常關者八萬九百三十七擔共十八萬二千六百四十六擔出口野蠶絲一萬一千四百五十一擔並聞奉天產繭本年秋季均已歸煙商預爲包買運煙之貨必更較往年爲多足見運免復進口半稅後報由安東新關運煙之繭日漸加增不但安東關稅徵收暢旺而煙埠工藝進步亦頗迅速正所以維持華商使與膠州洋商無所軒輊俾免向隅是此後復進口半稅如果不免則華商自出之資本養贍無數之工人極盛之工藝輕者掣肘重者全局頹敗等語署

總稅務司查奉省運煙山繭前蒙允准逕免復進口半稅試辦一年現據該稅務司申稱前因是試辦期滿運繭日增商業日闢安東關稅亦日旺此後如果不免則華商工藝輕者掣肘重則頽敗而關稅亦因有損礙似仍應繼續照免實於國課商情兩有裨益理合備文呈請核示等因前來查奉天運煙山繭免納復進口半稅前經本處核准照署總稅務司所擬辦法試辦一年分咨查照并札行轉飭遵辦在案茲據署總稅務司申稱前因所有由奉天運煙之山繭暫免復進口半稅既於商業漸有起色現屆試辦一年期滿自可仍准接續照免以示維持將來或因商務情形變遷應再令繳納復進口半稅即隨時由東海關稅務司申由署總稅務司轉呈核辦除札知署總稅務司外相應咨行貴大臣查照可也等因前大臣未及核辦移交到本關署大臣准此合行札飭札到該道即便查照

署新河縣王令澍霖稟官運鹽局委員迭次派引累民不足稗請委員密查量予更調文並批

敬稟者竊查私硝充斥與夫派引累民均屬大干例禁二者并重未可執一定見重彼而忽此也查卑縣鹽商前已改設官運鹽局卑職於上年七月蒞任時鹽局委員陸大使培餘亦到差未久彼此接洽於整頓鹺務一事無不和衷共濟凡遇鹽局獲送鹽犯訊有確據隨時查照例章從嚴懲辦復因縣屬西南鄉一帶與南宮縣產硝村莊相近迭經嚴禁食私諭飭各村正鄉地勸民買食官鹽以近年月銷引鹽較之昔年不無起色第仍未能暢銷足額推原其故雖由於私鹽充斥亦半因地方瘠苦民多在外謀生故也即如津省學堂林立以及繁盛之地外來工作者不知凡幾其月銷引鹽故必暢銷逾額其偏僻州縣引鹽滯銷亦意中事也在督銷之員固不容以此藉口仍須設法疏銷惟有認真緝私若派引累民非但考成攸關且撫躬自問清夜難安無如陸委員操之過急雖事屬因公而民累何堪查上年九月間准陸委員移稱桃園等村無人買鹽或食鹽太少卑職當即稟傳各村正鄉地去後旋據各村正副等紛紛具稟或以地方瘠苦人多外出謀食或謂民貧食鹽節儉又或在別處分局託便代購者且稱伊等各村雖無大宗買鹽而每逢集期購鹽者多如雲集細心稽查并無食私之戶懇請免傳核辦等詞本難盡信惟集期密查買鹽者亦復不少旋又據各村正副等稟稱伊等十五村現承官運局派定按村計戶購鹽開具派定每月購鹽數清單呈請存案前來而官運局來文轉謂該村正等在縣署具稟自願認購卑職當因該村正等既已遵辦未便根究其實各村民苦累情形有敢怒而不敢言者又十月間陸委員以富商陳連珂購食硝鹽移請傳究旋

經和息完案查詢情形當商并未私有購鹽賬簿可查而陸委員又強派當商購鹽四包雖當時忍氣吞聲至今猶有怨言又本年閏二月間卑職公出期內准鹽局移稱巡役董俊德在李家莊皮小眼家查出確鹽詐錢百吊私和請傳究當經代行典史因被證未齊未及訊結復准鹽局移稱經人說合除董俊德已得京錢十五千文外皮小眼自認係其子誤買私鹽情願將所許之錢交局充公請將一千人等免其傳究專治以董俊德之罪不日又准移稱謂皮小眼家不甚豐已將認罰之錢發還并稱董俊德之母情願將所得皮小眼之錢交局另外認罰錢四十五吊贖罪已將罰款易銀解交運庫令將董俊德鎖押半年改過再釋卑職公回後訪查皮小眼并未誤買確鹽委係董俊德無端詭詐皮小眼家道殷實惟係莊農愚民畏懼見官故託人在鹽局認罰又董俊德原係貧戶安能認罰贖罪且皮小眼之錢果否發還不應傳究奈其終畏見官若竟嚴傳尙恐事出意外以致無從根究茲於四月初二日准陸委員移稱以准緝私分局平委員來函據云訪悉新河城內祥霽布店商民買洛錫買洛撥家購買確鹽調查售鹽簿記自上年七月至今十個月之久該商民家共有一百數十口只買鹽一次囑即傳訊嚴辦惟據職員買同興即買洛撥訴稱伊家連祥霽店共祇四十三人於上年九十冬三個月先後共買鹽六百五十九觔內有現錢購買者四十觔其餘均在德慶祥官錢行撥兌者有賬可查伊現尙存鹽二百餘觔不料陸總辦言伊食鹽過少令伊多購伊不敢違命使人再買二三百觔詎陸總辦口稱二三百觔不賣硬派伊買鹽四包伊思四包鹽共有二千餘觔何日食完且恐每年成爲舊例未敢允許致被牒送似此強派誣以食私商民實難安度等情據此卑職調查官錢行賬簿該商民實係三次撥付鹽價提訊買洛撥供與訴詞無異并稱買洛錫係伊胞兄赴外討賬求免傳訊現將尙未食完之鹽呈案卑職查驗確係官鹽隨堂過秤共計二百四十四觔復訊之鄉地吳玉林供稱買洛撥家同其布店內共有人四十餘口未聞有買食私鹽之事等語卑職伏思該商民既係買食官鹽勢難強派多購當即省釋諭飭將現存之鹽食完仍照常購買官鹽并移覆官運局知照在案但恐將來買姓再往買鹽仍恐鹽局刁難不賣卑職係署事人員轉瞬期滿且陸大使現已補缺亦非久在新河卑職又何肯冒昧稟瀆有傷寅好且卑職有督銷之責又豈能任聽滯銷自干嚴處奈陸委員恃勢任性且曾據王府仙莊等村正生員王鐸等稟稱官運局鹽不足秤卑職曾派人暗買鹽觔每觔僅十四兩零或十五兩不等而該局則稱係屬官秤卑職爲民父母目覩小民苦

果實有不忍安於緘默者并非有意稟計也理合縷細稟陳可否將陸委員培餘與他縣官運局互相更調或另派賢員接充之處出自 憲裁非卑職所敢擅請也理合肅稟恭請 大帥查核俯賜批示祇遵并請委員密查實爲公便

督憲那 批據稟并另單均悉仰連司按照所稟各節迅速切實查明核議詳辦稟單抄發此繳

天津縣董事會移天津縣辦理議事會改選議員調查選舉人數及分區投票日期文

爲移知事案查試辦天津縣地方自治章程第十六條內開凡議員任期爲二年任滿後改選之又第十七條第三項所載每次改選期前一個月由議長通知董事會布置選舉事宜各等語天津縣議事會自光緒三十三年七月初十日成立截至本年七月初十日已滿二年照章應行改選議員前經議事會以第一次舉行改選所有選舉調查手續甚繁恐有貽誤公決提前通知在案當由董事會遵照自治章程並參照前次自治局籌辦選舉辦法於三月初一日設立選舉科於圍牆以內及四鄉各區分設選舉調查處由三月十五日至五月初九日調查竣事計有選舉及有被選舉資格註冊人數共一萬四千三百六十六名另有被選舉資格人名及各區初選投票日期均各印成一覽表宣布周知茲並呈查閱現在舉行初選投票除第一區投票所借定四宜講所其四鄉仍按照巡警局區由董事會辦理選舉員管理投票事宜分赴各區按期投票並約各該局區紳董爲監察員監視投票所一切事宜俟各區票彙齊到會擬借議事會會場爲初選開票所於六月初二日開票至各區投票開票各情形及初選當選人名單除俟初選開票後另行移知察鑒外所有遵章辦理議事會改選議員調查選舉人數及分區投票日期緣由理合備文移請縣台查照備案施行

文告錄要

督憲批示錄要○造幣津廠礦政調查局禁煙局津海關道會稟化驗無多前聘洋員丁格按照合同辭退請示由 批稟悉各該局化驗之事現既無多前次聘用洋員丁格期限將滿應即預先辭退以節經費仰即查照飭遵 并將合同註銷此繳

藩台批示○愍忠公裔嗣監生張金鑑稟請由司撥款修理忠烈專祠由 批查該生祖節烈愍公祠墻垣殿宇均

被損壞固應興修惟值此庫儲奇絀無款籌撥應由該生設法修理所請應毋庸議此批

學台批示○平泉縣稟開辦師範傳習所各情形並整頓高小各學堂請核示由 批稟悉改良私塾並籌設傳習

所辦法甚是殊堪嘉尚惟講授各科應遵照部定簡易科新章施教以造師資初等小學補招學生改爲模範小

學尤須名實相符高等小學仰即諭飭學生自下學期始一律改爲自費可也仍候都憲批示繳

臬台批示○試用直隸州判劉斌條陳直隸人員擁擠擬疏通調劑辦法由 批查直隸仕途擁擠甲於他省

據稟籌議疏通調劑人員辦法各條頗有見地堪以採擇而所陳破除情面稍寬資格兩條尤足以救弊補偏足

徵留心吏治顧全大局殊堪嘉許既據徑稟仰候 督憲批示繳

保定工巡總局批示○高董氏具稟一案 批劉楞等果係著名匪徒該管有司必當從嚴拿究著赴東鹿縣據實

呈控可也○齊賢莊文生莊嚴之等具稟一案 批犯已分別判斷毋庸詞瑣瀆

商務總會批示○商人劉藻林稟創設起水機器呈請試驗并懇轉呈 農工商部立案准予專利以杜冒濫而廣

銷售一案 批稟摺均悉候呈 農工商部查核試驗俟批示到日再行飭遵仍將小樣再造一分送會存查此

批

電報錄要

路透電○西七月十一號法國徒倫港地震其地震之處係舊鎮并郊外地方停泊該港之船搖動甚烈房屋中窗

燈磁器大半損壞居民有半小時在街市不敢入室阿威南地方亦地震曼比利爾地方於兩秒鐘時地震五六

次葛蘭納布洛地方試驗地震表報告是夕有地震數次蘭比希克地方周圍房屋坍塌數處壓斃八人徒倫港

地震情形甚烈居民均往學堂院中避難里威爾亞地方亦覺地震薩溫那地方地震尚輕溫葛利亞地方地震

甚烈居民甚爲惶恐然未受傷損尼斯地方地震自北徂南居民甚爲紛亂均奔於街中堪尼司地方并周圍各

處亦覺地震馬塞洛地方又地震二次報時鐘均停其繁華之處尤甚然尚未傷人阿克司司地方地震甚烈屋窗

并街市電燈均被毀許多房屋之墻均破裂

柏林電○西班牙駐摩洛哥國兵隊在米里拉地方附近與喀比利族人衝突均傷斃多人

又電○德皇於禮拜一日回柏林

又電○德國所派之膠州華德學堂總教習齊布爾氏現由柏林啓程赴膠

又電○日本在們尼士地方之博覽會現在開辦

又電○奧國前內閣總理大臣巴敦尼伯爵現在逝世

又電○和蘭兵部大臣薩布蘭氏現辭職

新政紀聞

政治

催報議事會成績表○聞憲政編查館通行各省略云本館前經通飭各省組織議事會在案亟宜隨時調查以昭

核實等因茲又通行各省催令迅將議事會於提議決議事件詳細列表呈報以憑核辦云

札飭總廳辦理自治○民政部日前札飭內外城總廳略謂地方自治爲憲政之基礎北京又爲首善之區域自應

速即興辦以爲府縣之模範其辦法則內外城各區略爲歸併約請地方紳士採擇合宜地址研究地方自治宗

旨廣籌經費然後再行籌辦各事宜內外總廳奉札後已通飭各區矣

江甯調查局開辦情形○江甯調查總局司道續擬分科辦事及酌定調查範圍各項規則開摺詳奉督院批云調

查二字名義至爲廣博制度名物萬緒千端若上無提綱挈領之方卽下無溯委窮源之準奉行者苦無依據遂

不免詳略任情查報既有不齊編纂自難明確誠如來詳所云有治絲而紊之慮茲據詳送續訂辦事細則既爲

之詳說理由又於每股事項均分訂界限明示範圍使辦事者確有持循辦法殊有條理應准如詳通飭照辦現

在編訂事項已准館咨飭由各省查明造報民政財政統計表式亦已奉准頒到仰卽督率在事各員認真蒐輯

如法造送

學務

中學預科生考試畢業○奉天錦州府中學現在之預備科學生均係由錦縣高等小學撥入本學期已屆畢業期

限當由該府具呈提學司請派員前往監試以示鄭重提學司以此項考試可毋庸派員監視惟該府既無勸學

所及教育會一切學務人員祇可就近商延錦縣勸學所總董等會同舉行畢業事宜業批飭遵照辦理云

記復日公學畢業式○江蘇吳淞復日公學於十五日下午爲第二次畢業行禮之期東邀滬上學界專車迎迓一

時抵校先進茶點二時開會監督及會考官來賓演說分給文憑又攝影以爲紀念計畢業者共十六人最優等

三名 張晏孫 葉秉孚 邵聞豫 優等八名 董錫麒 張彝 顧祥麟 毛經學 章錫鈺 陸曾沂

滕士麟 陳樸 中等五名 李進嶺 茅征吉 蔣恩鎮 李益恭 周永年

女子師範豫科畢業○贛省女子公學自上年八月開辦後迄今將歷兩學期所有教授管理各法經張清如監督

竭力經營成效卓著該師範豫科班各生照章應升本科現該校管理各員擬於五月底舉行師範豫科畢業攷

試發給修業文憑以爲下學期升入本科之預備

軍政

電催各省速送測繪生○陸軍部因前咨各省督撫轉飭提學使考選測繪模範生送京肄業三角立體二科三角

科限定一年零七個月畢業立體科定十個月畢業於五月內咨送到京等情現經查核期限將滿而各省尙多

未咨送擬於日內分別電催以便覆試

會議設立軍用工廠○奉天糧餉局總辦稟請籌設軍用工廠一節茲因東省經濟困難不易開辦擬於銀元局工

藝傳習所習藝所硝皮廠等處作爲附設或令各任製造俾得節省經費兩有裨益故前日由糧餉局移咨各處

定期會商一切云

財政

集議銅元補救方法○上海紳商學界於十三日假商學公會集議補救銅元到者四十餘人先由孟庸生君報告

前月抄曾經會議一次尙無一定辦法現擬上書政府專說銅元充斥之害請其速籌辦法於是有主張減折以

敵外私者語甚激烈蘇筠尙君謂減折不如限制滿元用元滿角用角則銅元用處狹少私鑄無路銷售似較妥

善沈信卿君謂停鑄禁私總是正辦後孟庸生君謂補救方法總以定幣制爲歸宿今既未能議決自應先行上

書痛陳小民困苦受累及私鑄詭秘情事爲上書之資料云

移請整頓兩淮鹽務○署兩淮運司吳都轉奉江督端午帥行知云據署蘇臬司升任運司趙濱彥稟陳補救淮南北鹽務辦法一案查該司在任三年適逢南鹽產絀北鹽銷滯之時雖經督飭設法圖維而成效尙難驟見現雖署蘇臬一切經營未竟之事吳署司自當實力整頓以期南北兼籌至緝私各營應如何分布營餉應如何撙節淮南船隻准北運道應如何補救均須次第議辦相應移行遵照妥爲接續辦理

民事

市民公社開成立會○蘇垣觀前街前由倪君詠裳等二十餘人發起創設市民公社試辦公益事項日前又借元都方丈開成立會紳學各界及本街各商到者約九十餘人茲將開會序次列下 一沈君鴻揆宣告發起市民公社之緣由已奉自治籌辦處認可批准 二自治籌辦處金君吟谷演說城鎮鄉地方自治非一朝可以辦成須從小團體做起諸君組織此社小言之爲地方自治之起點大言之卽爲地方自治之基礎 三費君玉如演說今日可爲改良市政之起點卽可爲他日地方自治之好結果歐洲古時創行地方自治皆本於市政之發達而市政之發達尤以商人組合爲起原 四陸君雨菴姚君清溪演說一主暢銷土貨一爲改良土貨須由結合團體而成 五沈君鴻揆答謝詞 六公舉總幹事員當時投票舉定施君炳卿總幹事員蔣君仲君副幹事員並推定程君子範爲會計員沈君鴻揆陶君雲村爲書記員 七推舉評議庶務各員定十七日上午仍借方丈內集議 八議定事務所暫假方丈內通信處暫設觀前振源永綢緞莊內計是日各業如洋貨綢緞珠寶錢業金銀首飾各商捐助入社開辦經費洋一百數十元當時認定按月社費二十餘元尙有未經認定者亦可謂力顧公益者矣茲復先行試辦各事節錄於下 一開井所需 一本社開辦之需(前募開公井之費與市民公井入社費係兩事) 本社成立後應辦之事 一開鑿公井 一整理水缸 一清潔街道 一修補石條 一疏通陰溝 一聯合水龍等均有互相補助整頓之責入社以住居本街爲主如毘連之街巷住戶願入本社爲社員亦可

浙省推廣鄉鎮警察○浙屬錢塘餘杭地界之瓶窰鎮歷來設有保甲向由州縣班中挑選充當自憚道辦理警察後將保甲更換警察遴委畢業員前往辦理無如該處一隅之地詞訟甚多居民半未開通是以改編警察名稱之後各舖均不樂輸捐故官紳久已兩歧正巡官計鎮洋到差後竭力開導妥籌方法現由該處衆商公舉仲以忠陸坦兩君爲正副巡董指撥款項卽日開辦業已稟報省局立案矣

第四條 凡入覽者如攜傘棍等件須交攜帶品收管處覽畢赴該處領取

第五條 入覽時須遵依路綫而行不得任意遠越並止喧嘩

第六條 入覽人不得攜帶犬畜等類

第七條 瘋癲及酒醉者不得入覽

第八條 入覽人不得吸煙

第九條 入覽人不得撫摩皮設物品儻有觸損按原價賠償

第十條 入覽人摹繪皮設物品或攝影者須由皮設課課長許可

第十一條 本所於星期一休息一日停止售票

第十二條 本所如有特別事故停止遊覽時先期登報廣告

第十三條 本所門前置有鐵篋棕墊以便入覽人去除履下泥土

庶務課細則

第一條 本所一切事宜統由庶務課稽查

第二條 經理本所房屋器具及購置修理等事

第三條 約束本所各項夫役及其任免分派等事

第四條 點收各項陳列品登記總簿於陳列時點交皮設課

第五條 接待各項參觀員如遇工商家有諮問之事當為介紹該管課答復

第六條 稽查每日收發入覽券數目列表詳記

第七條 按照四季暑刻長短酌擬入覽時限

第八條 凡遇本所開研究會及發給獎牌等事由庶務課先時布置

第九條 掌管本所關防及各項鑰鎖簿籍

第十條 凡各課添購物件應寫聯票交庶務課送總理核定

第十一條 凡不屬於他課之事統由庶務課經理
文牘課細則

第一條 掌管一切文牘並撰擬繕寫文件各事宜

第二條 凡有收發文件隨時列號摘由分別登簿

第三條 凡啓用關防應由本課躬親鈐印

第四條 掌管一切圖書商標雜誌報章編列號數妥存備查

第五條 凡遇講演工商要理及理化研究由文牘課同試驗課員司擇要登錄報章編列雜誌

第六條 經理本所執事學生考試表冊核訂分數及繕擬講堂牌示

第七條 凡每年考驗商品時應擬議一切規則報告

第八條 聯絡各省商會陳列所勸工場徵集各項冊籍章程物產一覽表統計表出入口貨調查表等

試驗課細則

第一條 本課考驗關於工業上應用原料及鑒定商品以資工業改良發達

第二條 施行考驗分爲二部其一本所自行考驗其一外師及各省工業界請求考驗

第三條 考驗各物無論自行與請求以期得效果爲度但不能限以時日

第四條 自行考驗之物於工業製造上有重要關係尙未興辦者隨時設法提倡興辦

第五條 請求考驗之物每種應附以請求書但其式悉照本所規定

第六條 請求考驗之物得有效果本所將考驗法則及效果作報告書二分一與請求者一存本所

第七條 本所宗旨在提倡工業凡來請求考驗者酌收藥料費

第八條 凡於自行與請求考驗各物所得成績登載工業雜誌發行以資提倡

調查課細則

第一條 本課於各省物產及工藝品皆當詳細調查並編纂各項報告

第二條 凡各省所產原料及貨品經外人購運出口或其貨來自外洋而暢銷某省者均須酌量採購以便公同

研究

驅除血毒

在錫蘭有患最劇之癩瘡非醫院所能療治者為韋廉士大醫生紅色補丸所治愈撒母耳極克生者英俊人也年方二九居於科倫佈撒拔斯街之海而山地善體操術為皇家大學堂踢球隊中之一而又精打球之戲然竟有一且不能出外者蓋其人自膝至趾皆發最劇之癩瘡甚至足不容履其母嘗為之憂云吾子身軀至於此極吾實不知何法措置各醫士皆覺棘手無能為力乃竟一服韋廉士大醫生紅色補丸其瘡立愈余夫與余驚喜非常爰命吾子自述其病狀如左云○余憶十一歲時偶患癩瘡自膝至踝至趾皆無完膚其致病之原由因與同伴借遊於污水旁以致毒入血內之故也其瘡形小而紅膿汁飽而滿顆粒叢生列如星宿未能勝數醫士云此係癩瘡也一



科倫佈極 瘡既裂一瘡又生瘡內生瘡痛楚莫名趾縫
克生患癩 之間莫不皆有暴躁異常奇癢難忍甚至襪
瘡為韋廉 履皆不能容余母携余至醫院診治而又詢
士大醫生 諸科倫佈著名醫士歷七匝月之久試用枯
紅色選丸 藥油藥水藥以及內服等藥非徒無益抑且
所治愈 有損於是余父准以韋廉士大醫生紅色補

丸各余試服而余母因余年幼每次僅以半丸與服未幾癩瘡盡退身體由是全愈近七年來余之週身十分強壯無復有瘡節之患矣○夫癩瘡一疾無論輕重如僅以外藥敷治斷難除根韋廉士大醫生紅色補丸能適攻入根原使其不潔枯薄之血立能潔淨有力使全體康健復原不第速治如極克生所患之癩瘡且曾醫治 山林瘴氣 血薄氣衰 胃不消化 正忡驚悸 風濕骨痛 腎骨痠痛 筋系疼痛 腦筋失調 左癱右瘓 腳氣衝心 操勞過度 思慮傷神等症又能醫治少壯婦女 月信愆期 白帶白淫諸疾莫不效驗如神焉 中國各處藥局商店均有代售或直向上海九江路B字第八號 韋廉士大醫生藥局總發行處購買亦可價銀每六樽大洋八元每一樽大洋一元五角 遠近郵費一律不取

新 啟 告廣司公限有灰洋



啓者本公司係承受唐山洋灰公司老廠另購外洋最新式機器旋窰等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家柏林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等倘有機器製造之缸磚花磚洋灰瓦水溝管研子土等項無論躉零交易均可本公司總理處設在天津海大道英租界並在天津奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

製鐘

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參歲等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶鑽石戒指耳墜鑲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

瑞林祥元記 綢緞洋貨莊

本號開設北京前門外鮮魚口天津估依街中間路北山東濟南府院西路北自置綢緞紗羅顧繡粧蟒洋貨布疋各色喇哩厚呢京廣什貨俱全貨高價廉劃一不二後廳內專售線貨織絨袍料衣被套口袋線毯毛毯零賣均照行價發兌中外 紳商賜顧移玉是幸 瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 鑲銅料器珐藍 奇巧美術玩器 學界文房用品 旋行携帶等件 精工鑲身物料 定織各色唐氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啓

天津銀號廣告

本銀號代辦直隸公債所有本年宣統元年二月初一日四月初一日第四年第一第二兩期應付本利銀兩即係原訂光緒三十五年期限業經照數分付廣告白各在案茲值本月杪為第四年第三期滿給還本利之期凡天津暨各府廳州縣各票主請查照章程第七條持票至原借各府廳州縣及各籌款分局核取本利銀兩且期滿之票並可任便抵納地丁錢糧鹽課關稅及各項稅捐已詳請督憲照奏准章程通飭各屬不准留難需索務即持票兌取現銀毋得自悞再如有以前到期未經支取各票本利銀兩亦可至原借各處驗票續發特此佈告

啟新洋灰有限公司磚股截止廣告

啟者本公司磚窰收股於五月十五日為限滿月期滿已經截限現計兌到股款已多逾額尚須設法勻退特此廣告遠近附股諸君勿再溢交免勞往返滙兌謹啟

勸賑隴災啟

敬啟者昨閱甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災去秋尤甚今春雨雪愆期近會甯碾伯及各土司又先後報災邊地高寒水泉素乏童山彌望生植不饒一遇旱乾即成凶險現被災之區草根樹皮掘取殆盡鄉間人口牲畜已多餓斃又接甘省紳士紛紛來函據稱該省至有人相食之慘窮民紛紛逃瘠金貧蓋藏本鮮此番被災時則三年之久地則數十州縣之廣人則百萬流行國家代有難伏奏上朝廷會撥帑金十萬散諸災區勢難徧給非再有巨款接濟何能救此哀鴻夫天災流行國家代有難臣恤忠義不容辭况甘民雖素稱良懦然飢寒所迫恐有鋌而走險之虞加以西北地方近接強鄰回亂以後元氣未復禍機一發何堪設想今日之救甘民計未嘗非為全局計也現上海諸公已發起助賑會無非出於愛國愛民之苦心同人復敢為甘民請命敬懇仁人君子慨然解囊奇該省活此窮黎庶幾上紓朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處

北京驛馬市大街恆裕金店
天津獅子林北洋官報總局

本局廣告

本局承辦印刷研究
 精良近益不惜重資
 延聘外洋著名工師
 添購新式機器精製
 雕刻銅版所有承印
 各種紙幣股票等件
 圖畫精巧色澤鮮明
 紙質堅緻屢蒙中外
 官商照顧頗加獎
 譽茲為推廣招徠起
 見自本年起承印各
 項價目格外減讓以
 副官商雅意如蒙
 賜顧請至本局賬
 房面議可也

本報代派處

各省郵政局分局均認定代派本報凡由郵局訂購者不取郵費
 北京琉璃廠橋西路北公慎書局本分局
 天津石橋胡同後齊佐周
 保定省城北大街官書局內本分局
 錦州同益分報館
 南京東牌樓慶昌
 濟南官書局
 天津鄉祠南李茂林
 奉天省城振泰報局
 開封南書店街本分局
 各州縣驛遞不在此例

大清銀行廣告

現奉 部飭展限付還國民捐款仍以原捐執照為憑統按前定章程辦理
 理由本月開付限至本年年底為止
 天津大清銀行謹啓

直隸全省土稅現經度支部議定仍舊認真辦理勿裁

前月柯遜帥議擬晉豫徐東皖直等省禁種商之大部停辦現經部議直
 省京津銷場最大查驗最煩畿輔腹地關係尤重直省土稅仍須照舊認
 真辦理不得裁撤刻已由遜帥飭知直省土稅局遵照矣

便宜祭幛出售

茲有庫緞杭寧摹本亮花大呢呢布東縐洋緞各色祭幛寄存估衣街勾
 德豐帽店出售貨色新鮮均照市價八折扣算 賜顧諸君請至該處購
 閱可也